



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1563 usque ad annum 1566

Fleury, Claude

August. Vind. [u.a.], 1772

VD18 90118626

§. 30. Regis responsum ad Parisiensis Senatus Deputatos.

[urn:nbn:de:hbz:466:1-67192](https://nbn-resolving.org/urn:nbn:de:hbz:466:1-67192)

Sæcul. XVI.
A.C. 1563.

§. XXIX.

*Parisiensis Curia edictum de majori
Regis ætate acceptare recusans.*

*Mezerai ab-
rege chron.
tom. 5
pag. 125.*

Sub idem tempus ad Parisiensem Senatum edictum, quod idoneam Regis ætatem concernebat, per Ludovicum Sangelasium Lansacum mittebatur, ut in eadem Curia confirmaretur: verum hi Senatores ob injuriam nuper acceptam tantopere exacerbati videbantur, ut quicquid ab eis peteretur, exequi recusarent, ac suæ repulsæ causas per Christophorum Thuanum primum Præsidem, Nicolaum Prevotium Inquisitionis Præfectum, & Guilielmum Violam Consiliarium Regi exponi juberent: porro eorum rationes erant hæc: „contra morem factum est, ut edictum in quacunque alia Regni Curia promulgetur, nisi prius in Parisiensi, quæ Parisi Curia censetur, & Regni Ordinum auctoritatem retinet, vim obtinuerit.” Ad hæc Rex modeste respondens subjunxit, eorum partes esse, ut morem gererent, ipsiusque jussa exequerentur.

§. XXX.

*Regis responsum ad Parisiensis Senat-
tus Deputatos.*

His

His præmissis Rex hæc respondit: Sæcul XVI.
 „præcipio, ut non amplius, sicuti A.C. 1563
 „prius cum in minori ætate constitu-
 „tus essem, in posterum mecum a-
 „gatis, nec vos negotiis, quorum co-
 „gnitio ad vos non pertinet, immiscea-
 „tis; nam ad hoc a Regibus Præde-
 „cessoribus meis instituti fuistis, ut in-
 „ter privatos juxta leges, consuetudi-
 „nes, ac Regias Constitutiones æquale
 „jus dicatis: proinde ea, quæ ad publi-
 „cum Regni statum spectant, Regi, ac
 „Senatui ejus relinquatis, nec vos usur-
 „pata per veterem errorem opinione
 „deinceps pro regiis tutoribus, Regni
 „defensoribus, & Lutetiæ custodibus
 „geratis. Deputati accepto hoc re-
 „sponso cuncta ad Curiam referunt, ac
 „Senatores rem in deliberationem voca-
 „bant, cum autem æquali numero non-
 „nulli edictum confirmari, alii vero il-
 „lud rejici opinarentur, nullum desuper
 „decretum fuit conditum, sed continuo
 „Petrus Seguerius Curiae Præses, &
 „Franciscus Dormius Inquisitionum Cu-
 „riæ Præfectus ad Regem ablegantur,
 „qui eundem de opinionum varietate
 „certiorem redderent, novasque ratio-
 „nes exponerent. Postea Regina in Or-
 „dinum Senatu edictum promulgari jus-
 „sit, in quo Rex non habuit rationem
 „decreti Parisiensis; nam illud revoca-

Hist. Eccles. Tom. XLVII. O vit

Sæcul. XVI.
A.C. 1563.

vit tanquam non legitimum, & factum a iudicibus, ad quos rerum, quæ publicum Regni statum spectant, cognitio minime pertinuit: insuper Rex præcepit, ut edictum, quod in proximo mense Septembri condebatur, in Curia publice lectum promulgaretur sine ulla oppositione, ac sine ulla præscripta conditione, huicque promulgationi interesse tenerentur omnes Curia Præsides, ac consilarii, nisi morbo, aut legitima alia causa impedirentur, alioquin ad tempus Magistratu summovendi: præterea inhibuit, ne in posterum in controversiam deducere, statuere, & deliberare super decretis a Rege conditis præsumerent. His auditis Curia Senatores morem gerebant, atque edictum ad acta relatum die vigesima octava Septembris promulgatum est.

§. XXXI.

*Regis interdictum de libris absque t-
jus approbatione non im-
primendis.*

Insuper Rex die secunda ejusdem Mensis, edito diplomate prohibuit, ne quis libros novos, antequam a Viris, per Regem ad id delegatis examinati sint, & approbati, typis mandet, poena capitis, & bonorum publicatione in eos, qui contra fecerint, constituta.

Hoc